



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Post extinctum schisma, Carolus sextus Ecclesiam Gallicanam reduxit in suam antiquam libertatem. Magni momenti est ejus constitutio.

urn:nbn:de:hbz:466:1-15617

in his verbis constitutionis videmus quidem Ecclesiam Gallicanam de cœta sua edere, sed ita tamen ut ea à Rege confirmari postulet. At parte ex alia Princeps profitetur se ex officio teneri ad tuitionem veritatis quam Sacerdotes docuerint. Sed tamen ob servandum est non ita se agere Principem quasi ad eum simplex tantum executio pertineat, sed causa etiam cognitionem ad le trahere, ut videat an ea quæ proponuntur consentanea sint sacrae Scripturae & canonibus antiquorum Conciliorum. Vno verbo, universa examinat in suo Consilio, pronuntiat petitio nes aquas esse, Ecclesiam Gallicanam reducit in suam antiquam libertatem quod provisionem Beneficiorum, decernit eam libertatem in posterum obtinere debere, ac consiliarii suis imperat hujus constitutionis executioni invigilare. Discrimen illud quod intercedit inter deliberationes Ecclesiae Gallicane & regias pariter observatum est in constitutione edita anno M C D X V I I I . in qua Princeps profitetur recipere se deliberationes Ecclesiae regni sui per modum consilij: *Certas conclusiones per eos electas & tandem nobis ab eisdem per modum consilij relatas suscepimus, approbamus, & eas solidè tenendas ac inviolabiliter observandas statuimus.*

X. Tandem anno millesimo quadragesimo octavo de cœta est neutralitas; hoc est, de cœtum ne alterutri Pontificum obedientia exhiberetur, non ei qui Avenioni morabatur, neque etiam ei qui Romæ habitabat. Interim Ecclesia Gallicana Parisiis congregata nonnulla statuta condidit quibus prescripsit ordinem tenendum in dispensationibus, judiciis appellationum, & provisionibus Beneficiorum, præside Archiepiscopo Senonensi, ob absentiam Patriarchæ Alexandrini. Magni momenti est ultima clausula: *Hec omnia deliberata sunt, salvis juribus Coronæ Francie & Libertatibus Ecclesiae Gallicane, salva etiam debita sancte fidei apostolice reverentia & Domino Pape futuro legitimo, clave non errante. Statuta illa à Rege confirmata fuerunt. Et quamvis ejus constitutio de ea re non extet, hujus tamen confirmationis mentio extat in constitutione diei x v i . Aprilis M C D X V I . itemque in constitutione anni M C D X I . quæ ratas esse ac firmas sanciunt provisiones factas tempore neutralitatis.* *A nous, qui sommes Gardien, Protecteur, & Defenseur des Eglises de nosdits Royaume & Dauphiné, & qui les Status & Ordonnances dessusdites faites audit Concile avons ratifiées & approuvées, appartient iceux, & tout ce qui s'en est ensuivu, faire tenir & garder, sans enfreindre. id est: Ad nos, qui sumus Ch-*

slos, Protecteur, & Defensor Ecclesiarum dictorum nostrorum Regni & Delphiniatus, qui que statuta & ordinationes supradictas in dicto Concilio factas ratificavimus & approbavimus, pertinent ipsas, & quicquid ex eis secundum est, factas inviolatâsque prestare, & cavere ne contra eas veniatur. Concilium generale Pisanium habitum anno M C D I X . ea statuta approbat; ut constat ex ejus decreto, quod extat in Regestis Parlamenti.

X. Extincto tandem apud Constantiam schismate, ac Martino quinto Summo Pontifice electo, querelæ tamen Gallorum non desiere, quia Concilium non decreverat prohibitionem reservationum Beneficiorum, neque pecuniarum exactionem veterat. Quapropter Rex coactus fuit definitivo decreto providere his rebus. Nam antea quidem anno M C D V I . statuerat ex sententia Concilij regni sui ut Ecclesia Gallicana reduceretur in suam antiquam libertatem quoad electiones & collationes Beneficiorum. Verum id de cœtum tantum fuerat interim valitum donec Concilium generale celebraretur. Sed cum videret nullum à Conciliis Pisano & Constantiensi remedium esse quæsum, definitivè pronuntiat. Reducens autem in perpetuum Ecclesias regni sui in antiquam suam libertatem, decernit ut provisiones Beneficiorum fiant secundum antiqua Concilia, abolitis prorsus reservationibus & gratiis expectativis. Tum prohibet exactions Romanæ Curia. Quo loco duo quædam observanda sunt. Primum, constitutionem illam post extinctum schisma latam esse, cum data sit anno millesimo quadragesimo decimo octavo. Alterum, integrum Ecclesiae Gallicane Concilium non fuisse convocatum ad tractandum de editione hujus constitutionis; que de cœtra fuit in Consilio extraordinario Princeps, in quo aderant Praelati quamplurimi, nonnulli Consiliarij Parlamenti Parisiensis, ac Doctores. Hæc sunt verba Constitutionis: *Prehabita deliberatione matura cum Prelatis quamplurimi & Gentibus cameratum dicti nostri Parlamenti aliisque pluribus Dectoribus & Magistris de dicta Universitate Parisiensi, in ingenti numero, in camera dicti nostri Parlamenti de mandato nostro congregatis. Ea propter verba quæ sequuntur addita sunt ad calcem hujus constitutionis: Per Regem, ad relationem magni sui Consilij in camera Parlamenti terti per Dominum Delphinum Viennensem.*